



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

Symbolum XIII. Argus centoculus sopitus & interfectus.

---

[urn:nbn:de:hbz:466:1-68709](#)

die præcipitat. In Lingua vim nocendi consideras? rapidissimus ignis, Phaëthon est verissimus. Innumera nocturna cogitas? Orbem terrarum perdit, vastat, incendit, Orbis est exitium. Nec cœlo parcit, flammam suas & in astra spargit, superos, beatosque Cœlites, Deum ipsum lacessit. Nulla nocendi vi Phaëthonte inferior est. Quinimo terras penetrat, & ipsum quoque Tartarum, ipsos etiam manes ignibus suis involvit. Drexelius de Vitijs Linguæ.

V. Epitaphium quoque Phaëthontis doctrinam suppeditat, quod hoc est:

(e) Hic situs est Phaëthon currus auriga paterni,  
Quem si non tenuit, magnis tamen excidit ausis.

Vsurpandum in eos, qui grandia conantur, medijs tamen in combatibus deficiunt. Politianus adolescens (ut hoc exempli causâ adducam) Homerum donare latino carmine instituerat. Quo conatu suo, cum paulò insolentiū gloriaretur, & eruditorum judicia exquireret, Cardinalis Papiensis jocosè ludens, ei in hæc verba rescripsit: Censeo operam inchoatam non esse deserendam: si enim non assequeris, quod affectas, æqualis tamen tui Phaëthontis laudem invenies, ut idem de suscep-  
to à te Homero, quod de suscepto ab illo curru solari dicatur: *Quem si non tenuit, magnis tamen excidit ausis.*

(e) Invenitlos conatus.

## S Y M B O L U M X I I I .

### Argus centoculus sopitus & imperfectus.

I. Metam.

Ethicè.

1. Fucata eloquentia.
2. Puellarum custodia.
3. Puellarum leuitas, & sera pœnitudo.

**I**ntra alia pudenda Jovis facta, quæ cœlicolis ipsum terrigenisque infamem reddiderunt, etiam libido fuit, qua *Ionem*, Inachi fluvij filiam, feedè deporit. Flagitium subodorata Juno, Jovis uxor, in graves, ut pœnitus erat, iras exarsit. Iupiter pellicem oculis iracundæ conjugis subducurus, eam transformavit in juvencam. Juno tamen suspicata

cata id quod erat, vaccam à Jove sibi dono dari postulavit; quād cūm accepisset, apposuit ei custodem Argum, centum oculis præditum; à quo cūm molestissimā custodiā premēretur, ægrè id ferens Jupiter per Mercurium curavit eum interficiendum. Quod ita contigit:

Centum luminibus cinctum caput Argus habebat,  
Inde suis vicibus capiebant bina quietem:  
Cætera servabant, atque in statione maneabant,  
Confiterat quocunque loco, spectabat ad Jo.

Hunc igitur custodem decepturus Mercurius, talaria pedibus, capite galerum induit, manum impedit virga, pastorēmque habitu simulans, ante se capellas agit in rura, carmenque agreste modulatur. Argus captus dulcedine cantus, incognitum Deum invitat ad secum confidendum in umbra. Mercurius quā fabulando, quā canendo jam longè protraxerat diem, & paulatim in somnum reclinārat Argum; sed quia luminibus quibusdam clausis, vigilabant alia, non poterat totum consopire hominem; donec medicatā virgā permulxit oculos, eosque leñissimo contactu, penitus occlusit. Senibus jam omnibus destituto, caput ense falcato demetit. Jacet Argus extinctus; cui honorem ut aliquem servaret Juno, oculos exemit, & caudæ pavoninæ inseruit.

### Ethica.

I. (a) Relata hæc ad mores fabula docet, neminem adeò oculatum & prudentem esse, cui à Mercurio, id est, homine versuto & eloquente imponi nequeat. Mercurius enim olim eloquentiæ & versutiæ Deus habebatur. Serviebant ei plures ad fallendum Argum technæ. Primo, simulatio; nam ut dolum tegeret, simplicitatem pastoris præ se tulit, & similitudine habitus ac fortunæ, sese in amicitiam hominis insinuavit. Deinde adhibuit insidiosam facundiam; huic adjunxit illecebrosos modulos: virgam præterea soporiferam (scilicet caduceum) quæ variis in usus serviebat; de qua Maro Æneid. 4.

----- hac animas ille evocat orco:  
Pallentes, alias sub tristia Tartara mittit:  
Dat somnos, adimitque, & lumina morte resignat,  
Illâ fretus agit ventos, & turbida tranat  
Nubila.

Quid enim non potest utramque in partem eloquentia, sive verat  
I  
& fin-

Eucata eloquentia.

& sincera : sive fallax & fucata ? salutem affert alijs , perniciem alijs . Hinc illa regnum , & rerum publicarum commoda , hinc calamitates . *Orator* , Catone teste , est vir bonus , dicendi peritus ; qualis non fuit Mercurius , mendaciorum Deus . Hunc imitantur sive *Canfidici* , qui cum Tullio gloriantur , se Judicibus offusidisse tenebras : Sive vafri Principum *Legati* , qui Suadam in ore , Fallaciam in pectore gestant ; quorum infigne caduceus est , pacis quidem & amicitiae Symbolum , sed idem dolosa simul est Mercurij virga , serpentibus circumvoluta . Hac illi instructi quid non efficiunt ? etiam vigilantissimos oculos fascinant , & tenebris obducunt . Neque verò simul omne lumen auferunt ; aliud post aliud claudunt , donec præsenti ; sed improviso exitio male cautos involvant . Vitasset periculum Argus , si auribus suis imperasset ; ubi primum cantu se capi sensit , & paulatim soporem oculis obrepere , debuit insidias advertere . Atque hic Argus pastorem agebat , quo nomine populorum quoque Rectores appellantur , quos sèpius prodidit & perdidit Mercurialis hæc tam lingua , quam fistula . Et utinam cum Politica profana , non etiam sacra everteretur ; sensit Europa ruinam , quam blanda Hæresis verborum lenocinijs invexit , primò majora capita obtenebravit , postea vulgi oculos excæcavit , ut de Provincia non una cani posset illud Poëta :

Arge jaces , quodque in tot lumina lumen habebas ,  
Extinctum est , centumque oculos nox occupat una .

Opus igitur est vigilantiā ad versūm fucatas & dolosas blandientium linguas . Incendium suum cui debet Troia , nisi compositis Sinonis perfidi fraudibus ? De quo *Eneid*. 2.

Talibus insidijs , perjurique arte Sinonis  
Credita res : captique dolis , lacrimisque coactis ,  
Quos neque Tydides , nec Larissæus Achilles ,  
Non anni domuere decem , non mille carinæ .

Unus homo Phrygiam exoculavit , quia Trojanorum nemo vigilabat . Hinc Græci

In vadunt urbem vino , somnōque sepultam

Neque frustra Poëta in galea Palladis gallum gallinaceum præfigerunt ; docere namque volebant , viro sapienti ( qui per Palladem designatur ) vigilandum esse . Eustathius Iliad . 2. memorat Argum quendam Peloponesi regem , quod sapientiā excelleret , παντην appellatum , hoc est , omnia videntem , totoque oculatum corpore ; quod sibi dictum putent

tent Principes ac magistratus, quibus maxima opus est vigilantiâ & circumspetione. Neque verò infidiae tantum hostium, sed etiam blandimenta adulatorum timenda sunt illis. Mercurij virga erat auro incrusta; cujus oculos non perstringeret? erat pariter serpentibus cincta, Martiale teste, lib. 7.

Aurea cui torto virga dracone viret.

Quis non timeret, & caveret? ubi draco, ibi venenum, ubi aurum, ibi exitium. Hic fulgor quot excœcat, & subvertit! pro speculo caute-læ, serviat nimium securis, Turni clypeus, de quo Æneid. 7.

At lœvem clypeum sublatis cornibus Jo-

Auro insignibat, jam fetis obsita, jam bos:

Argumentum ingens, & Custos Virginis Argus.

II. (b) Alterum hic documentum præbetur, Custodia filiarum solicita. Mercurius non minùs nequiter, quam crudeliter Jovis lenonem egit, & puellam sopito primùm Argo, deinde occiso subduxit. Idem nimis quam saepe incuriosis parentibus accidit, quorum filias male custoditas seducunt, ac corrumpunt lascivi juvenculi. Juxta Hugonem Cardinalem in Cant. 2. Virginitas est lilyum inter spinas, hoc est, inter procos; plerūque vulneratur. Quare? quia deest custodientium oculus. Plutarchus tradit statuam Veneris cum testudine seu cochlea sub pedibus, fuisse effectam à Phidias, ut nōrint filiæ, domus sibi custodiā curæ ac cordi esse debere.

Idem Palladis simulacro Draconem apposuit, quem pedibus Dea comprimeret, quò significaret, virgines pervigili cura continendas esse. Sanè draco ab acutissimo visu nomen habet, παρὰ τὸ δέρματα acutè videre. Quò spectat etymon nominis παράδεινος, quod Grammatici deflent à παράδειν τῷ μῆτρι, quod virgo apud matrem manere beat. Monet Siracides c. 42. Super filiam luxuriosam firma custodiam, ne quando faciat te venire in opprobrium. Et ibidem: Filia, patris abscondita est vigilia, & salicitudo ejus auffert somnum. In quæ verba Cornelius: Filia patri suo afferit occultam vigiliam; hoc est, oportet patrem vigilare in statum & mores filiæ, & perpetem Solitudinem habere, ne filia à quopiam juvene decipiatur, & in flore juventæ flaccescat. Nota est enim sexus hujus levitas, infirmitas, inconstantia. Tristi versiculi:

Quid levius vento? fulmen. Quid fulmine? fama,

Quid fama? muller. Quid muliere? nihil.

Sunt enim multi Pharaones, Sichemi, Thesci, Parides, Jasones,

I 2

plu-

(b) Puellarum custodia.

plurimique alij, puellaris pulchritudinis & pudicitiae astutissimi exploratores, dolosissimi insidiatores, violentissimi raptiores & corruptores, ut Argo centocoelo custode opus sit, ad tutandam contra eos filiarum virginitatem. Hæc Cornelius. Possis usurpare de furibus pudicitiae, quod de raptoribus coquis Plautus in Aulularia dixit:

Quos (aut quas) si Argus servet, qui totus aculeus fuit,  
Quem quondam Inoni Juno custodem addidit,  
Is nunquam servet.

Danæn filiam Acrisius Argivorum rex in turri ænea conclusit, & tamen per illa quoque tecta Jupiter libidinosus, in aureum mutatus imbreu, penetravit. De quo Horatius lib. 3. Od. 16.

Inclusam Danæn turris ahenea

Robustæque fores, & vigilum canum

Tristes excubiae munerant satis

Nocturnis ab adulteris.

Si non Acrisium virginis abditæ

Custodem pavidum Jupiter & Venus

Risissent: fore enim tutum iter & patens

Converso in pretium Deo.

Nempe ut alia omnia, sic etiam pudicitia expugnatur ab auro.

Nil pronius in lapsum, quam insita, quod diximus, huius sexui levitas.

III. (c) Mercurius Argum somno oppressus sermonem intexuit de puella Syringe in calamos palustres mutata. Quod vir doctus explicans: Pan, inquit, Deus pastorum, Syringem inter Naiades nympham adamavit, quam dum inseguitur, illa in arundinem conversa est. Quot inanis ac vacuas arundines, etiam hodie adolescentes inseguuntur, dum vagas ac vanas, comptas, cerussatas puellas, arundinum simillimas depereunt. Neque eruditione caret Jūs in bovem conversio; parum quippe distant juvencula & juvenca. Jo in lascivientem vaccam mutata larvis terrificantibus, toto penè orbe percursato, denique humanam formam recuperavit. Poëta canit:

Horrificamque oculis, animoque objecit Erinnyn

Nimirum Juno pellici. Hæc est pœna peccati; Hæc Erinnys, hoc œstrum, ut Virgilius appellat, est carnificina conscientiae, quæ reas agit decoctæ pudicitiae puellas, & non raro ad ultima desperationis consilia perpellit. Felices, si denique resplicant, & desertis luxuriae pratibus ac pascuis, se se per salutarem dolorem recomponant in homines, fati

(c) Puellarum levitas, & sera paucentia.

luti

latis suæ memores; & petulantes risus ac jocos, quasi falaces mugitus, in pœnitentis animi gemitus ac suspiria convertant.

## SYMBOLVM XIV.

Cygnus, rex Ligurum in avem cognomini  
nem transit.

2. Metam.

Ethicè.

1. Laus Musicæ.
2. Scelerati non lugendi.
3. Moderandus luctus in funere.
4. Mors bona.
5. Poëtæ cygnis similes.

**E**RAT HIC MATERNO GENERE PHÆTHONTI PROXIMUS, QUIPPE CUIUS PARENTES fuit soror Clymenes, (de qua suprà) qui cùm consanguinei tristem accepisset ruinam, relicta sede regia, ad Eridanum fluvium se contulit, ibique tam sepulchrum amicissimi capit, quàm sororum ejus in arbore transformationem conspicatus, cæpit uestibus liberiùs indulgere, & interitum propinqui sibi juvenis, monströsamque puellarum cognatarum transmutationem acerbiùs deflere. Indignè hoc tulerunt superi, quippe quorum voluntate hæc acciderunt, quare immodice lugentem momento convertunt in *cygnum* avem. Mox igitur homini tenuari vox, capilli migrare in plumas, collum à pectore longius porrigi, pedes in digitos latiores extendi, pennæ velare latus, os in rostrum obtusius excrescere. Ille tamen etiam in hac forma memor fulminis, quo Jupiter iracundus Phæthonem percuaserat, superos perosus ignes, nunquam se cœlo, sed paludibus tantum ac fluminibus credidit.

## Ethica.

Variè mores hæc informat fabula. Nam I. (a) Laus Musicæ hinc eruitur; Cygnus enim rex Ligurum arte canendi clarus, cùm deceperisset in avis figura, ab Apolline collocatus est inter astra, in quibus etiam hodie Cygnus illustrem locum obtinet. Vnde discitur, Principes non debere esse expertes optimarum artium, quæ *Liberales* vocantur, etiam Musicæ, cùm animum ad regias virtutes, & ad optimam rerum admi-

I 3

nistratio-

(a) Laus Musicæ.